

丁糧沿革雜記

吾族與通銅諸姓，自洪武二十七年調軍以來，俱是軍籍，所有田地，係就別戶輸納錢糧，從無納丁。本朝康熙四十年，漳浦縣主陳公汝成編甲均款，銅山各戶編作六都一團，一甲、二甲、三甲諸姓附入雲霄李隆戶內；二甲諸姓附入龔謨烈戶內。本族即係二甲，內陳姓共配八官丁，即以本族陳得先之名為八官丁戶頭名。五十四年，陳老爺編審，再添一丁，共九官丁。五十年，編審銅山各姓，慮恐附人門戶，將來有所不便。俗云：作戶丁是也。于是就 關帝廟公議，一、二甲合作一甲，以關為姓，永茂為名，作通銅之總戶名。另照姓分姓，使丁苗不得混雜。時先國、林建發、黃泰公為諸姓公僉到縣料理，承買十七都六團九甲蔡子所戶名，以為銅山盛戶，費金百餘兩，近二年而事方歸局。但此九官丁之內，雖屬一姓，而族非本派，乘年來無肯出力理事，又甚參差，于是五十五年編審，始就陳得先總戶內，抽出本派三官丁。一、陳得先端弟生：一、陳一飛即量叔；一、陳先國。另立陳南與之私戶名，以便每年就三官丁內，輪流理事。照毛丁（即男子丁）多支料銀，交首事之人共納，公私兩得。及六十年，又訴免一官丁，只二官丁。雍正元年，將丁沿入田畝，而丁免納矣。先國誌。

衣冠記

十九世孫 紹徽重輯

曰良 字愧吾 庠生，明嘉靖三十二年癸丑科入。

焯 字命 號學箕 庠生，萬曆二十一年癸巳科入。天啟六年，以子士奇封徵仕郎中書

科中書舍人，復封承德郎禮部精膳清吏司主事，兩次擢欽正賓，壽七十六，祀鄉賢。

嘉植 勿蒿 庠生，萬曆四十年壬子科入。宗師馮挺。

士奇 弓甫 號平人，進士，萬曆四十二年甲寅縣試第一，是科入學。四十三年乙卯鄉

試，廿汝從榜中式第六名舉人。天啟五年乙丑會試，余煜榜中式第四十三名進士。

殿試三甲第二名。初授中書，轉禮部主事，歷貴州、廣西兩省提督學政，並陞郎

中，遷江西贛州兵備道，擢旋督四川學政，擢陞巡撫，殉難盡節，贈兵部尚書。